

集部

銀定四庫全書等部

詳校官庶吉士事本如药 中書日劉源溥褒勘

總校官知縣 日楊懋珩 校 對官編修臣沈清藻 謄録點生 施 華

ていこうこ いふう 高 な種質ないな話もの間が **重中自有陰陽地有山川之類是陰畫中** 南田村であり日本田 Charles Transfered 少谷集 地中觀人物真見得陽 書中虚乃見得天有 鄭善夫 撰

陰在下天地不交否之時君子將何逃乎亦惟守死善 成在君子則有適適之時不可為也猶可去也至于三 夫君子以禮吉避凶防微杜漸易其聖人至教也故曰 卦成象行為六十四卦天下萬有之理畢而無餘矣 之而後已杜其漸也至於二陰在下其惡已逐其勢已 君子用之小人勿用如始之時五陽在上一陰在下小 人雖微將盛之機也然其道未成其勢易剪時則必去

銀定四庫全書

亦自有陰陽日月山川之中復自有陰陽陰陽相生八

濟其否是分明奪天地造化而反之正者也故曰聖人 能祈天水命即禪之舜舜復能祈天水命即禪之禹以 堯舜最善用易堯舜盡聖人之權者也自義黄以來相 在下小人尊而無權君子盛而有助剪之易易矣五王 完身則完其身遇否則完其志而已如一陰在上五陽 道完其志以其命於天矣蓋聖人可完名則完其名可 傳至免舜物極必反之時也故丹朱商均皆不肖馬克 不去武三思自為杌上之肉蓋不明於易之義矣

TRADIAL LILLA

少谷集

赞天地之化育世道治常少亂常多謂何陽只一陰便 有二五行之清氣本少濁氣本多今看一世天地山川 是不學大抵是專得精粹之人絕少也静則觀其象而 泰坎離交而既濟也乾生於子坤生於午坎終於寅離 玩其辭象乾象也辭元亨利貞也動則觀其變而玩其 之氣生賢才能有幾何顧是困知勉行成功則一人只 銀好四月全書 邵子曰至哉文王之易其得天地之用乎故乾坤交而 占變變乾也占元亨利貞也

事而長女代母坎離得位而光艮為耦應地之方也 事而發生於東方異代母繼事而長養於東南也東者 乾下交坤於子坤上交乾於午是各反其所繇生也故 多陽 陰光離異三女乃乾求坤各得一陰而成本皆乾體故 震良坎三男乃坤求乾各得一陽而成本皆坤體故多 終於中應天之時也置乾於西北退坤於西南長子用 再變為後天計則乾退西北坤退西南不用震代父始


次足口車全書

少谷集


莫如乾父主宰莫如長子羲文作易惟一陰陽也 乾父也坤母也震長男也巽長女也坎中男也離中女 坤位而少女兑少男艮為耦繇先天而後天此文王之 離之本位繇上而交坎於西再變為後天則退得乾位 也艮少男也充少女也先天主乾父後天主震子統天 易所以得天地之用也 西者坎之本位繇下而交離於東再變為後天則退得

年プロアノノニ





陽數居四正也二四為肩六八為足者陰數居四隅也 火二七火生中央五十土五十土生四九金四九金生 太極也主順行相生一六水生三八木三八木生二七 ついりにして 一番 主逆行相尅一六水尅二七火二七火尅四九金四九 浴書之數中五者參天两地也戴几履一左三右七者 金尅三八木三八木尅中央五十土五十土尅一六水 河圖之數一六二七三八四九五十相承者陰儀陽儀



一大已日至在日 一 坤剌甑预舞车否让艮塞<u>獑</u>簻叱莅Τ旅戚遯帥<u>髼玫觀解瘵罔旕升義井毀恒晁</u> 抽 艮 坎 少谷集 陰 極卦十 十四卦生六十二卦生六

金分四月分言

卷二十

南 西 ||| 找六

乾體

不相害也即子以乾為太 不 太剛坤為太柔四卦自陰儀象異為少剛坎為少柔艮為 陰四卦自陽儀中来為天四 允為太陰離為少陽震為 氯 乾坤縱六子横對侍之易之 相射不相射者水火相 来為地四象 Ē 震雷異風相薄坎水離 天坤地定位艮山允澤 羲先天之圖 以形

次定四車全書 四 **寒三** 少谷集 寅卯木巴午火申酉金 未之月之方 亥子水土寄於辰戌丑 庚辛金壬癸水 甲乙木丙丁火戊已土

萬物皆相見也致役乎坤地也萬物致養馬說言乎 言乎艮艮東比也萬物成始成終也 陰陽相薄也勞乎坎坎北方水潤萬物萬物歸之成 帝出乎震震東方雷動萬物萬物出也齊乎異異東 易之用也 **纪光正秋也澤説萬物萬物咸説馬戰乎乾乾西北** 南風挽萬物萬物齊也相見乎離離南方火燥萬物 此文王後天之圖以氣言坎離縱六卦橫流行之易 三九月日華 红 也一 央之五謂之皇極天三地二圓故三方故二合而為五 有開明處即火也 才質言也若論五行則天初生水五行具矣生火者凡 天一生水地六成之地二生火天七成之天三生木地 洛書之圖戴九履一左三右七二四為肩六八為足中 八成之地四生金天九成之天五生土地十成之此以 五生三故四方四維其數皆十五也 洪範論 少な集

金パクロックノラッド 與易圓圖相類易始一陽来復即九九一一之間也始 立冬猶天左旋是以日行黃道二十八宿躔次皆因之 鍾之宮為中聲蓋陰陽始終合尖之處也二二立春三 不言十者十即一之變也故洛書用九河圖用一各以 天一三五七九則五為中地二四六八十則六為中地 三春分四四立夏五五夏至六六立秋七七秋分八、 九九圓數配一年八節冬至在九九一一之間所以黄 三垂之積八十一則六千五百六十一之數具矣

震而離而名而乾畫卦自乾至震今自震起所謂數往 欠三日早二六 微之起也理氣形微之顯也理數微於關理氣微於形 信之類而以堕終終之亦猶孔子序卦之意也理數 候分配八十一圖之中如潛次原守次潛信次守直次 者順也由乾而異而坎而艮而坤畫卦自異而坤所謂 洪範方數與易方圖亦相類皆陽起西比陰盡東南也 知来者通也 八十一字前軍皆無解看来只是明時以七十 少な集

蔡子曰陰陽五行其體而用用而體者即渾渾淪淪而 數生知所來死知所去者數之始終 極無不中也一藏於二二藏於萬形氣則有偏也此所 非二則不能久非一則不能神一者形氣之元也極也 **機之而顯充之而不窮夫變化者陰陽之屈伸消長也** 出入異門繩繩井井而形色俱混合之而異析之而同 河圖體圓而用方聖人以之畫卦洛書體方而用圓聖 以有善思失得之分吉凶禍福之著也

金分四屋名書

卷二十

大人口中 山村 人以之叙畴卦者陰陽之象也畴者五行之數也象非 理也一為水而腎其德智也二為火而心禮也三為木 成形者陽也成性者陰也陽者數之生陰者象之成陽 **者静而之動也數者動而之静也** 象以耦為用也有應則吉數以奇為用也有對則吉象 為象經世以耦為數多窒而難通矣 耦不立數非奇不行奇耦之分象數之始也太玄以奇 以三至陰以信垂生生不窮各以序升關 少谷集 順性命之

數非九不生非十不成九以通之十以節之九者變通 始終非二致 於九數之中矣以見圖書之相為經緯也 順數知物之所以始逆數知物之所以終數物非二 而肝仁也凶為金而肺義也五為土而脾信也 金分口尼台灣 朱子曰天數中於五地數中於六天有陰陽故二其五 之機十者五行之叙也方隅對待中五含而十數已具 洛書數九而用十何也十數之成也數成而五行備也 卷二十 體

欠正日華を始 者陰陽之正也三不變者陰陽之雜也 為五質水火金木土也天五氣兩腸質也地五質水火 為十二合四與八二與十亦十二也十為干十二為支 為一十合三與七一與九亦十也地有柔剛故二其六 氣也天交於地而雨賜為質地交於天而水火為氣變 六氣實一氣也五行在天為五氣雨陽燠寒風也在地 十千者五行有陰陽也十二支岩六氣有剛柔也五行 洪範九時解洪大也範法也轉類也言

四日協用五紀歲月日星辰歷數協合 三曰農用八政食貨祀司空司徒司勉賔師農阜 二曰五事貌言視聽思此天地氣質界於人也 日五行水火木金土此天之氣行於地者也 故謂之朔每年會十二次會處謂之辰無星處為辰 其下則月體無光故謂之晦朔蘇也月遲則漸有光 日行不及天一度月行不及天十三度天無體以二 十八宿為體日每至三十日不及天三十度月来會

尺三日日 人 六日义用三德正直剛克柔克以治 五日皇建其有極 七日明用精疑明辨 内卦為貞外卦為悔陰陽或老而有動則以遇卦為 卦有負悔貞事之始悔事之終陰陽皆少而無動則 皇極大而君臣父子小而事物細微皆是 北為雨露蒙驛克 日晦十二辰十月晦在寅十一月晦在丑之類 少谷集

金为巴尼白電 九日鶴用五福威用六極鶴向也 九九相垂成八十 八日念用無徵兩賜燠寒風五氣有時不時為休谷也 惡弱 五福毒富康寧攸好徳芳終命六極由短折疾唇 貞之卦為悔 二一至二九 一至一九 二二立春 一數共六千五百六十 一一冬至

次定四軍全書 數始於一參於三成於八十一備於六千五百六十 三一至三九 六一至六九 五一至五九 四一至四九 九一至九九 七一至七九 八至八九 七七秋分 五五夏至 六六立秋 三三春分 四四立夏 八八立冬 少谷集 主

大數猶卦也小數猶文也大小數之中各有大小數如 大數一之一上一大數下一小數也小數亦然從卦數 陽之始五五陰之前三三陽之中七七陰之中二二 陽之長四四陽之壯五則陽極矣六六陰之長八 陰之壯九則陰極矣一九首尾為一者一歲首尾於 冬至也此蔡子準洛書之象起數也 數之周一歲之運也九數之重八節之分也 數之大成也

數左而直卦小數右而横如一之一上一字管小數之 起文數得時皆從吉字起以下圖加於上圖之上卦大 填吉內灾祥餘以類推五數不同自五一至五九左皆 左一至九皆直看下一字管小數之右一至九皆横看 吉則化九凶三祥則化七灾八休則化二谷六悔則化 平者大數五字管攝之五得數之中也右同前惟五之 五不同大小數皆得數之中也左直旣平矣右横如 次三四車在書 四春而為平也 少谷集 十四

變也所關 專其用也餘而闕 定之吉內所以斷也九畴者總其綱也九九者行也六 闕 範數也數者理之具也時之因也繫之辭馬所以告也 之備也歲之終始也陰陽之迭運也年月日時者而各 金グロルと言 千五百六十一者數不可窮也八節之分也七十二候 洪範數補叙 者比其體也數者效乎交也釋辭明 易有八卦九畴之符也九九者六 也吉古灾祥体谷悔吞平者缄其

欠足四平在 未昭也千古一心其有来世之俟馬 者得之嗚呼易傳而範不傳天地之數久藏其秘道蓋 涯數定而意也不可語神而明之點而成之惟無沈心 數之詞缺而弗俗蓋開端而不竟余生後四百餘載買 而濟民行也易更四聖而問 于歲月乃率辭揆方僭叙所得用蓋其缺辭盡而理無 神廣大卷備引伸觸長天下之能事畢矣蓋所以因貳 也者極于精不可窮者通乎變不可闕者妙乎 少谷集 之數待九峰而若然釋

受之以閉問閱也開物必有所欲故受之以須須者須 信者實也所守闕 物藏不可不守故受之以守守不可不信故受之以信 陰冬至陽生萬物之原故原數始馬夫物之始其潛于 各でクロックスショット 過直則關故受之以蒙蒙者物之稱也稱物所當閉故 下故受之以潛陽乃曰潛氣漸闢 二至者一歲之樞 紐陰陽之肇也萬物原於陽而終於! 直則陷於偏邪故受之以直 以漸長也潜藏也

接故受之以華華文也文著見故受之以見既見則天 後可親故受之以親親者歡以相爱也相爱必文以相 柔柔順也順常則不為苟難故受之以易平易近人然 求不可越其常故受之以常常者所當順也故受之以 というないは 之以振振者奮也奮振必有求故受之以祈祈求也所 以成物成而動故受之以沖沖動也動必振于外故受 所欲也過欲必危故受之以属知危懼則有成故受之 下文明道無不獲故受之以獲獲者得也得人以相從 少谷集

故受之以興興起也物興起而依依然故受之以依依 故受之以育育長也既長必壯故受之以壯物壯而與 故受之以從從則有交之道馬故受之以交既交必有 銀好四月全書 者情必舒故受之以舒舒徐也叙也 叙必相比故受之 故受之以益益而後關故受之以章章明也明則益以 盈故受之以充充満也充满不可以自私故受之以錫 之以晋晋進也進不苟故受關 以比物不可久比故受之以開既比關 一者盆也 晋故受

錫予也益以錫予則人心靡然故受之以靡靡偃也人 疑則失衆故受之以寡寡過則閣而日章章師也故受 心偃靡所從者聚故受之以展展不决則黨故受之以 **欽定四庫全書** 極而陰萌馬夏至時之中也故受之以中過中陰之伏 以升升者進于上也陽之極也陽極于上無不中也陽已 决界决則院故受之以豫豫悅樂也悅樂而升故受之 匿必有遇故受之以過遇愆也愆遏則疑故受之以疑 也故受之以伏陰而曰伏氣漸于終道將否也伏匿也 ₹ 字谷集

一受之以關 受之以虚理虚則昧故受之以昧昧則有損故受之以 損損過以用中故受之以用過用則退故受之以却却者 退也退不可關 已必争故受之以競競則少關 故受之以分分而失均必 之以飾飾文也文過必自戾故受之以戾戾必不情故 必弱故受之以弱弱者氣失其平故受之以疾疾之不 故受之以懼有懼必當去故受之以除除闕 不可不舊故受之以迅迅於遠不可關 故受之以翕翕聚也聚以致遠故

用故受之以遇遇合也合而必勝故受之以勝勝者停 故受之以止止亂莫如我故受之以我起我者怨之結 草以通天下之利故受之以報報者禮也禮必有所止 危則自堅故受之以堅堅剛也金剛則草故受之以草 就實故受之以實實者誠也誠則能以禮下人故受之 松故受之以訟訟不可長故受之以收收敏也物飲則 也故受之以結結聚也聚必有養故受之以養養以致 以賔賔而弗穆必危故受之以危危者自高而懼也懼

三人已日本人

少谷集

盖始終一歲之成也 墮墮復于下冬至之半 賦稅之法所以出財以供國用也賦者所以給車馬兵 故受之以固久固必遷故受之以蹇闕 其囚也故受之以囚囚殼也勝殼則能任故受之以壬 甲士徒賜予也税者所以供郊廟社稷奉養禄食也 壬任也壬者水居萬物之歸陰之極也陰極關 田制論 終也故受之以終終馬 墮故受之以 固也

金分四八八百章

一次之四事 红 罪其惰也歲役不過三日者爱其力也 禹畫九州制五服任土作貢畿內五百里曰甸服外五 曰流設方伯以為屬公田藉而不稅七中而助 百里日荒服 殷分百里内曰畿以供官千里内曰甸以為御千里外 百里曰侯服外五百里曰綏服外五百里曰要服外五 不毛出里布地不耕出屋栗人無職事出夫稅家稅者 而在則其供也易在及商賣與虞衙者抑浮食也完 少谷县 九

甸貢嬪物又外日男畿貢器物又外日米畿貢服物又 澤事各貢其物 木任工以飭村事貢器物任商以市事貢貨賄任牧以 周制任事有等任農以耕事貢九穀任圃以樹事貢草 外口衛畿貢材物又外口蠻畿口夷畿要服也貢貨物 畜事貢為獸任嬪以女事 貢布帛任虞以山事任衡以 又外日鎮畿曰藩畿荒服也一見貢寶玉 周分九畿方千里曰王畿外曰侯畿貢祀物又外曰畿 又因其比隣以五人為伍五伍為兩

金グセルんご

|四两為卒五卒為旅五旅為師五師為軍以起軍旅以 欠已日華在馬 魯宣者履畝而稅也宣公無恩信於民民不助力於公 魯成作邱甲者使邱出甲也周禮九夫為井四井為邑 非更公田稼不善則非民稅畝雖十一悉其民矣 牧嬪虞衛之人皆因其所工不求其所拙也履畝紀于 近也為伍所以知衆家也因井廬以定賦稅農園工商 田故履弘按行擇其善者稅之穀梁曰私田稼不善則 作田役任土所以紀地宜也分五服設九畿所以別漆 ্ 少谷集

魯哀用田賦者一井之田敏其財物也言用田賦者若 漢武置平雜立均輸起漕運與鹽鐵開攀節設權酤收 步卒七十二人此甸所賦成公使邱出之重飯也 漢家飲民錢以田為率矣公田不過十一軍賦十井 六十四井出長穀一栗戎馬四足牛十二頭甲士三人 金グロルノショ 矣 四邑為邱邱十六井出戎馬一匹牛三頭四邱為甸甸 一班哀公外慕隱吳空盡國儲故復用田賦過什

大己日奉 在 数内無七費之利外有守禦之備自漢昭遣人屯田張 算絡納雜稅造錢幣雖經費獲湍民無聊矣散淳樸之 租庸調之法嚴庸二十日既免其役日收庸絹户丁 風成貪饕之俗自此始矣 掖之復趙充國破先零屯浩曹野艾滅 吳屯淮賴歷比 因之皆得其利今之屯田其名雖存其法盡廢守屯之卒 兵車之名然去古遠矣租者蓋屯田之法古者以逸制 人夫庸者猶古嚴庸三日之名調户丁摹做井田調發 少谷集 千

不如無屯 兵一旦有跑興師費財屯田實無補尺寸失古者屯田 之意矣甚至争民奪利祗為民害愚意屯田之法不復 與農氓無異其官亦但知了賦稅而已更不知屯以用 九章無除法無者自首而尾 易○三日衰分以御貴賤廪稅○四日少廣以御積幕 方圓○五日商功以御功程積實○六日均輸以御遠近 日方田以御田畴界域○二日栗布以御交質變

金グロルといっ

九歸法 てこうランド 勞費○七日盈胸以御隱雜互見○八日方程以御 錯揉正負○九口勾股以御高深廣遠 進一十逢四進二十進六進〇三歸三一三十一三 二逢四進一十,逢八進〇五歸五一陪作二五二陪 二六十二逢三進一十 | 歸不須歸其法故不立○二歸二一添作五逢二 十餘二未分寄下位四二添作五四三七十四人遇一數每人得二四二添作五四三七十 逢九進三十〇四歸四一 Ē

○九歸各隨身吓進九進一十 十二八六七十四八七八十六逢八進一十進十 六一下加四六二三十二六三添作五六四六十四 作四五三陪作六五四陪作八逢五進一十〇六歸 加二八二下加四八三下加六八四添作五八五六 六五八十二逢六進一十進二十○七歸七一下加 三七二下加六七三四十二七四五十五七五七十 一七六八十四逢七進一十進二十〇八歸八一

動坑四月全書

問前數五人分之各得幾何答曰每人得二千四百六 問一萬二千三百四十五兩六錢七分八厘九毫二人 問前數四人分之各得幾何答曰每人得三千八十六 問前數三人分之各得幾何答曰每人得四千一百 兩四錢一分九厘七毫二絲五忽四因還原 錢三分九厘四毫五絲二因還原 十五兩二錢二分六厘三毫三因還原 分之各得幾何答曰每人得六千一百七十二两八 りろま

問前數八人分之各得幾何答曰每人一千五百四十 問前數六人分之各得幾何答曰每人二千五十七兩 金定匹库全書 問前數七人分之各得幾何答曰每人一千七百六十 七因還原 六錢一分三厘二毫五絲六因還原 十九兩一錢三分五厘七毫ハ綵五因還原 二兩二錢九厘八毫六絲不盡二忽八因還原 三兩六錢六分八厘四毫不盡一絲不盡的不用因 卷二十二 **歐定四車全書** 問四方田四面各一百二十六步為田幾何每一步 問錢二萬五百二十文每米一石價四百五十文該米 問前數九人分之各得幾何答曰每人一千三百七十 幾何答曰該米四十五石六斗 方妙 答曰得一萬五千八百七十六步該六十二 兩七錢四分二厘一毫九因還原 右栗布法 右垂除總式 少な集 子四

問畹田下周九十九步徑五十一步為田幾何答曰周 問四不等田東四十二步西五十六步南六十四步北 畝一分五厘 十二畝四分五釐四毫一絲 五十八歩為田幾何答曰得二千九百八十九歩該 六十二步四分步之一以畝法二四歸除之得五畝 徑相乗得五千四十九步四歸而得一該一千二百 二分五厘不盡二步四分步之一 卷二十 次足四車全書 問勾股假令縣燈准日月于直路之南不知髙遠各幾 數五尺為法除之退三表位則前影盡矣又以表問 影一丈五尺後影速二丈五尺地只得一丈即以餘 影一丈五尺又退近處設一木表得燈影一丈两表 何燈縣去地幾何答曰遠九丈萬七丈二尺何也前 何却就直路之北遠處設一木表髙一丈二尺得燈 之間地二丈五尺間北麦燈影盡處至燈下地逐幾 右方田法 少谷集 Í

演禽法 在卯尾火虎 角木蛟 **丈二尺故曰髙七丈二尺也餘以類推** 表位而九丈盡却以表問一丈二尺六層聚之得七 地三文無之共七丈五尺并前影一丈五尺故曰逐 九丈也遠既九丈矣以前影一丈五尺除之退六層 右勾股測天法 **亢金龍在辰氏土貉** 箕水豹在寅 卷二十 房日発 心月狐

生がしたといっ

フトレーシュ シニテ 井木犴 斗木獬 在西衛火猴 參水猿在申 奎木狼 婁金狗在戊胃土雉 在子室大猪 右西方白虎七宿天之西陸也 右北方玄武七宿天之北陸也 右東方蒼龍七宿天之東陸也 鬼金年在未柳土獐 牛金牛在丑女土蝠 壁水输在亥 少谷集 星日馬 昴日雞 虚日眾 子大 張月鹿 危月典 畢月息

時宿何虚鬼箕異氐全翼 日宿例 **敏定四庫全書** 日在鬼三元日在箕也一元月在鬼是子時二元月 七元每元七曜移一位如一元日在虚是子時二元 **六元氏 七元箕** 一元虚 在午翼火蛇 右南方朱雀七宿天之南陸也 二元奎 三元畢 四元鬼 五元翼 較水蚓在已

將星例 活曜例 推時禽泊處吉古例 **ペルコララーハネラ** 甲子 日午月未火寅水甲木亥金巳土中乾支上順數山 在箕也餘以類推 上土宿常從箕上逢 凢起天禽實有從日鳥月貉火狼中水蛇木嚴金年 已夘 甲午 少な集 巴酉 ニナレ

占法 金定四月全書 辰時值翼火蛇我禽泊在子上 允占看授時歷本日二十八宿值何宿即憑其宿看 是活曜所得天禽 是赫禽所得他禽 月將星三元甲子畢月烏 二月十二日丙子宿值氐土貉他禽箕水豹他禽 水田園井刀砧草岍風湯火 角木蛟我禽

蛟是我禽也 又推泊處吉西時禽是火就寅上順 數尋時愈至寅上是翼即縱倒順數至辰上是角木 是他禽也 又用時禽火字取活曜全星就寅上逆 時禽翼火蛇泊在子上就子上逆數至辰是箕水豹 翼火蛇是我禽也即將將星畢月烏就辰上順數尋 起一元是翼二元是虚三元是鬼縁本日將星是三 元故用鬼就子上起時鬼具一子時順數到辰時是 屬何禽七曜中何曜 假如曜屬土憑土字就翼上

三人かりまたかる

少谷集

奇門遁甲法 金灰巴尼白電 **数洛** 也書 之 門一体二死三傷四杜五開六號七生八景範數一 數至泊子處是陽則泊不得其所也大要要時禽伏 甲者太乙人君之象十干之首常隐於六儀之中故 日禽天禽伏地禽為妙 名遁甲 天有三奇乙丙丁 六儀戊巴康辛壬癸

一次足四軍全書 英收離 妹之乙妻於與能救甲故為乙奇甲木生火男丙女 丁火能尅金庚故丙為二奇丁為三奇奇以日月星 名日為萬水之華陽精所成也乙屬水故曰日奇丙 五天禽中土寄六天心氧七天柱金八天任其九天 天有九星一天蓬水二天内北三天衝震四天輔寒 丁火俱南方離明之象月行南方中星芳於南方故 三奇者何蓋甲君象所畏者康康為七煞之讎也甲 少谷集 二十九

如 甲乙丙丁戊五陽時善神治事為吉也戊之同甲者 五陽時者何甲位既尊戊位同之乙丙丁為三才故 丙日月奇丁日星奇以其有照臨之德也 四文曲緑 九星配各方之色 貪狼白 '破軍赤 圖甲在一位戊亦在一位二位亦在二位也 五亷真黄 二巨門黑 左輔白 九右弼紫 六武曲白 三禄存碧

金げんせいりょうじゅ

大己日年上日 臨 定有九天九地太陰六合玄武白虎騰蛇依直符加 地盤安八門八卦九星三奇六儀其八門永為直使 圖自夏至至大寒陰遁為九圖 年月日時之干以直符加臨其上 奇門十八局一局為一圖自冬至至七種陽適為九 天盤九星三奇六儀其六甲為直符其六儀三奇為 盤八門為直使加臨太歲月建正建日辰千處又 少谷集 Ŧ

金分せたろう 順奇逆儀皆主時干而論 陽道冬至後十二節逆奇順儀陰道夏至後十二節 丙背原格擊刑入墓門廹白虎騰蛇朱雀青龍等格 价載何方得吉門三奇得使不得使看星門反伏吟 地盤不動天人等盤隨局轉移加臨既畢乃看圖之 如陽之一局甲在一 不陷方可用 巳庚辛壬癸六儀順為一二三四五六如陰之一局 則乙丙丁三奇逆為九八七戊

十二宫 同位可見矣 四宫甲寅加四宫皆是六儀刑擊 甲子直符加三宫甲戌加二宫甲午加九宫甲辰加 **衰七病八死九墓十絕十一胎十二養金木水失土** 乙加甲戌甲午丙加甲子甲申丁加甲寅甲辰為得 六儀逆為九八七六五四是竒儀之順逆而甲戊之 甲在九則こ丙丁三竒順為一二三戊已庚辛壬癸 一長生二沐浴三冠帶四臨官五帝旺六

次足口華在事

少谷集

制其衣後知為下以制其裳衣裳始備黄帝 上古穴處衣毛未有制度後代 臨官宫 神日神也氣節氣也詳見奇門歌 二竒遊旺地故し天居未庫丙居戊庫 八以麻易之先知為上

帝造旅冕始用布帛唐虞二代無文至周六冕章數 とこの ランエラ 上古衣冠帽皮後代聖人見為獸兒角乃作兒纓黃 乃染五色始為文章以表貴賤而天下理 虞書曰子欲觀古人之象日月星辰山龍華蟲作 裳蓋取諸乾坤故衣玄而裳黃旁觀暈翟草木之非 |奏藻火粉米糊粉絲繡備十二章夏殷之代相襲 冠 少谷集

却非别 也 多定四库全書 考工記曰一器而工聚馬者車為多上蓋為規象云 之與與輪相垂流運無極任重致遠以利天下 始備黃帝作冕垂旒目不邪視也充續示不聽讒言 上古聖人觀轉蓬而為輪輪行可戴因物之生後為 車 八檢象列宿方與象地三十輻象一月前視 却数别 EIV. 帕 葛巾

故書曰明武以功車服以庸 聽靈和之響旁觀則睹四時之運等威既辨貴殿有序 大王日年 上日 纓五就建大帛以即戎五木輅亦五就建大麾以田 **賔同姓三泉輅樊纓七就建大赤以朝異姓四華輅樊** 大輅亦曰山車亦曰金根車 一就建大常十二好以犯二金軽樊纓九就建大於以 皇来雲駕曰抵 少昊駕牛 陶唐彤車 五龍氏垂龍上下以理 少谷集 周五輅 玉輅樊纓 夏鈦車 111

水徳 根車 金月口屋有電 鉞車 秦城典籍舊制多亡因金根車為帝彰之旗卓於以從 角金龍街流蘇羽張凡鼓吹陸則樓車水則樓船在殿 庭則畫筍處為數上有翔驚棲鳥沒制也 象車 准南子執豹皮以正其象 谷集卷二十一 豹尾車周制也象君子豹變尾言謙也軍正用 曰芝車魏建赤旗以籍田鼓吹車上施層樓四 紀里鼓車 白鹭草 卷二十 建華車 靏旗車 辟惡車

次定四軍全等 情欲順者除理障也理障只是意必有生皆為物所引 應迹以委順為主然必明於人情物理然後能委順可 欽定四庫全書 以接人處事無事理之障矣委者除事障也事障只是 論者 少谷集巻ニ十二 經世要談刻在性理會通 少谷集 明 鄭善夫 撰

静坐養元神元是吾儒底事世儒縣關為仙釋却去作 止則止行止無心也静若鏡者物來則既物去則虚空 物也 應物質未當有物也委順必先於明理修身必先於格 若鏡無意也若水無必無固也若響無我也 洞無物也應若響者大扣大鳴小扣小鳴不扣不鳴也 故當委之有身又安得無事故當順之委而順之則雖 動若水静若鏡應若響委順也動若水者可行則行可 金グログという

静養来立脚而後去反到吾儒上豈是道理 其技能有文學者便自愛其文學如此便狭小了人莫 愛其氣節有事業者便自愛其事業有技能者便自愛 智氣不除如何了道智氣如結蜷但知有羹九堅不肯 放也有物過眼必看有聲入耳必聽小小入意即喜小 小拂意即怒小小利害即生恐懼皆習氣也 人只有自愛之私便自天地閉賢人隱有氣節者便自 下半截工夫虚勞一生却無箇着落識者又欲假仙釋

火上日本人は日

少谷集

决能殺已幾戒一番他日不覺牽迷將去 厳一旦心不存便依舊發出来如人戒酒不真知酒之 般便有天地變化草木蕃底意思則九氣節事業技能 是私意私意潜伏在内人多不自覺只說我能去私去 周江郎云無為名尸勘破幻妄也無為謀府無思也無 文學見之猶苟展耳是之謂大爱其身 不自愛不知自愛反是自害人但能看此心與天地 人只是不曾存得真心真心無一毫氣質纔惹氣質便

CANDIE LIAM 業吳遣二才士使蜀武侯甚偉之後二人伏誅武侯云 此人只是黑白太分明吾輩只以天地為吾一心何所 吾董學問貴包荒韓魏公一生只是包荒故能成得相 故曰聖人無情 息矣應事接物只是一箇情字為累若無情則無累矣 所大苦也太顛日衆人而不思不為則天下之理幾乎 得四者不然實行不去莊子曰吾以無為為樂矣又俗之 為事任無為也無為知主無知也然須定得性了方行 少谷集

未善淳熙以来講説尤與洙泗不類當自謂明月之珠 何見之小也 金分四屋台書 失之二千年乃獲之牧監之手其言曰神所知之謂智知 不容中間自然物各付物今人纔向學便分黨相非抑 攘十馬枳有十而一視之其於人則仁也發而視之樓 之謂仁禮復則和之謂樂國家天下一枳也枳一爾而 天下殊分之謂禮知分之宜之謂義知天地萬物一體 元東陽鹿皮子謂秦漢而下說經而善者不傳傳者多

有十其於人則君臣父子長幼之等刑賞予奪之殊所 謂禮也視十為十者禮之異視十為一者仁之同天下 萬殊之分視聽言動之宜所操者禮之柄耳鹿皮子却 是獨到之學 却云只此便是惻隐之心及看明道讀史又却定行看 一却記得許多可謂玩物丧志謝聞此語汗出浃背明道 謝願道自負該博對明道舉史書不遺一字明道日賢 過不差一字心甚不服後来省悟却将此事做話頭接 欠已日草 白雪 少谷某 뗃

為其元無是志故所就只如此耳行義達道古人多不 學道是意誠意誠如救頭豈以喧擾中止 金パノロックノスコット 古人耻其君不為堯舜耻其民不為堯舜之民必有是 引博學之士此項意思極難分別此便是王霸之分 如志寧甘死蓬舊而不悔者謂何須要識得此義 志方做得光大事業孔子謂管仲器小管仲功非不髙 人不可剛愎自信剛愎自信即是自絕誰敢語以至道 九人有才氣而復虛已下問者實大難得

諫竟係之獄論重辟不協有古杖八十邊方編管杖畢 諫不宜加罰時權奸朱寧遠之使不得前遂刺胸以死 防身當若禦敵一跌則全軍敗没爱身當若處子一失 指揮張雲托以黑帝語欲面朝廷云南巡决有禍文臣忠 RAIDER MALIN 猶疆步出東長安仆死朝廷亦竟以南巡大行如其所 則棄教人以善而外揚之則讎 則萬事尾裂涉世甚艱畜徳宜豫布人以恩而外揚之 正徳十六年朝中諸君子諫南巡罰跪五日燕山衛都 少谷集

盡矣 處消百處消即致曲一處得百處可得 朝廷然後大用之此法最美刺史據聲望以碎人凡部 托云於子今日權奸何在張雲赫赫有生氣矣 後世科舉之制行詞章之智盛繇是人才混淆古意落 自古刺史鎮臣得自辟其泰軍記室擇其賢者薦之於 **君子贵通天下之志疾惡太嚴則傷公明之禮舊習** 下之賢者鮮不就辟故多得人亦鄉舉里選之遺意也

金分工作有電

覺神色獨變 欠已日本人 伯子云凡百玩好皆奪志至于書法于儒者事最近然 除之釋氏所謂今日有此四大可以說七道八他日四 世間一切聲色貨利令人行屍走鬼當如利劒一切斬 大滅除却向何處安身立命 向時每每勸人行陰徳事故每每以陰徳存心今看来 向好看亦自丧志曾見善書者知道否余誦此語不 經世要談遺 少谷集

陰徳只可勸誘着人若自已用功亦不消如此以此存 變介甫才島如何便服惟韓魏公論青苗云將欲利民 代何曾恃着法度不知户馬青苗等法合着免舜三代 象山論介甫一節甚好云介甫凢事歸之法度堯舜三 心是又添箇陰德障也聖人無情此是何等境界 所變果善何嫌于同惜無以此闢之但云祖宗法不可 已祖宗之法不可變夫舜嘗變堯之法禹嘗變舜之法 否時闢之者無一人就其法度中言其失但云喜人同

金グロルノイ

徒使世主辦等先驅者全用此義但彼不明王道只欲 事君須體納約自牖之意牖其開明處因其明通其蔽 欠三日華白 無不入矣所謂順風而呼所因便也戰國談士鄒衍之 格物學者先要窮理 三代不曾踏實處故所成就王不成霸不就本皆不能 耳不論此而以利言遏之彼豈無辭又云介甫慕堯舜 居牛古人何嘗諱言利但恐三司等事非古人所謂利 反以害民甚切當或言介甫不合言利周官一書理財 少谷集

金分口八百雪 當時世主強弱相攻利害相軋此語豈能得入聖人言 刺之不入力者擊之不中說来一步進一步安得不入 岩孟子一 濟其私意小智耳恵盎説宋王行孔墨之道却自勇者 語便自不同就如答問仁一般因人材質如化工成就 縣專欲掩蔽不若推誠心與之共治有所不逮可教之 叔子云今之監司多不與州縣 不似樂守一路説 , 開口便直說仁義說王道便直說五畝之宅 體監司專欲何察州

至于不聽擇其甚者去之此却是無我底意思在 養鳥之說正如此 沙足四軍全書 四 氣且語亦不能入數數如此便至于離吾華同志海內 循善誘人使學者便可以漸而入若極言爭論不惟動 凡人各有挟彼挟其所長方且自信而吾驟語以道德 而告之所謂納約自牖無幾可入莊子堯禁自然相非 凡朋友辨論須要氣象從容又要懇懇開道故夫子循 不惟執而不化彼且以我為迂妄矣須就其所長之中 少谷集

言語不合其弊至于朝廷之爵賞行自已私情故文宗 决然不是看此便見所養與教人何如 近見章恭毅文集道平生忠節一事每不置口近會潘 牛僧孺李徳裕李逢吉李宗関構此大隊其初只為數 之有明道與人議論不合處便曰再商量至伊川便曰 能得幾人于小節目上不合便慎争以至離尚何學問 南山便自陳其生平好處無他只是自家看得大了不 日去河北贼易去明黨難

金がなかんと

潘也 曾見得上一截境界吾軍學問若不憂勤惕勵便是藏 此 每見章楓山只言國家大計談及大臣依違不能正君 見富貴便反張皇若將累已此固是好此一邊不知聖 與穀俱亡其羊安知髙明者不覷破吾輩如吾輩視章 凡人見識不透底立脚不牢固見貧賤則曰是我當安 人隨貧賤富貴只如不曾見得孟子四十不動心正如

欠足日軍亡島

少谷集

為首恐罪及作倡者故致債事楓山拊案歎息久之因 為而後可以有為豈知楓山者哉 務其生平難進易退但可為國家作門面夫人有所不 出處大節一一不苟真君子也或者以為迂儒不通時 重于去位輔叱咤晦罵由中達外無少矯飾觀其生平 楓山問朝廷東封諸小臣伏闕之故余備道初謀必欲 金分世二月月十七 九鄉率係屬以見滿朝皆曰不可後又以陸水村不肯 云我朝九三伏闕景泰初因聖駕家塵百官伏關求誅

三大已日東白雪 男一言之誤遂丧盡國家元氣至此遂不可挽今此誤 **者焦芳也焦芳贼邪小人不足論但惜李西涯謀國不** 流涕竟日楓山所得曷足以償所失也余曰西涯終是 惟此一人故賴以保全輕貸者亦多及至無可奈何軌 初犀小亂改百官伏闕與厚小謀通消息許以必無事 褐首給事王竑格殺毛長隨馬都督弘治初朝廷以周 國復是阿誰余曰西涯劉瑾時儘陰扶君子瑾所敬信 太后之故欲别立某太后山陵百官伏闕事遂寢正德 少谷集

當代為天子余曰諸侯猶禦者不待其改過而後誅乎 我其惟春秋乎國賢以春秋作于末年就是革命聖人 得此子却是法器見余斷陸子民為貴君為輕之說余 莆田林國賢至湖上議論彌日鮮有不合處亦多出新 思如何國賢以如此說何以見春秋天子之事知我罪 日平王总殺其父春秋作于末年者正待其改也不改 君子邊人但平生只是一 以此語到天運極方可言但看春秋尊王便見聖人意 個弱不覺誤國至此

金分でたるって

一吾欲及其變而友之當有得也於乎已馬哉方太初之 論之 未變也凌駕海內播動豪傑豪傑之士無貴賤遠遍匪 觀孫太初與汪仲縣創子最後者云日惟肆力道理似 更透一關方思道叙其漫葉云高明之士一變便超絕 不願與之遊及其一變也遂退馬為妻執聚食稀以死 非是此論僅發于國賢今未敢遽以為是英與同志者 でこういか とれて 而後誅也中間尊問固其事也曰周室雖衰天命未改 少谷集

太初嘗曰居山陽時遇斗笠翁相對古梅樹下所謂崩 所謂朝聞夕死者其果然乎耶其果然乎耶 制不免失禮曷若獻議于朝盡復公私之廟皆為左昭 南羅先生者又居西湖有一叟據床說蜀中山水不別 私之廟皆同堂異室以西為上無復昭移之行依違奉 而去所謂青城山人者皆其托興寄情方外之辭無是 朱子祠堂以西為尊四龕之立云不是古禮又云今公 人也余不欲後世以神仙鬼惟之事傳太初也

金定匹庫全書

P:

をニナニ

右穆 師 欠已日華 白雪 始祖而不及萬曾寔不近人情程子云基家却祭髙祖 近日嘉靖一部從前實未有也其赦民田租一 祖但有疏數之不同耳 周制大夫三廟則祭不及高達士二廟則祭不及曾官 五廟祭亦止于髙祖三廟二廟以至祭寢亦必及于髙 又曰自天子以至庶人五服未嘗異皆至高祖雖九廟 廟則祭不及祖夫高曾祖皆有服未斬者今欲祭 洗其謬之為快乎可見家禮是斟酌未定者 少谷集 <u>+</u> 敖寶次

金分口戶台雪 您幾二十年海內百姓受了多少因 苦今使全蠲三年 准作下年之數廟議正恐赦得不均使已徵者准數是 天下人心第一件天下實雕然指三代之治可立而待 使十五年一年海内無分彼此盡得全蠲聖思何等公 有是部命到此上極易分鮮却便分解不去箇箇恐百 不知吾輩儘讀聖賢書儘有志于天下事者有是聖君 姓落得便宜如已與人一 瘡痍尚未能滿况止减牛乎其曰十五年分已徵在官 一般就使百姓落得些便宜正

NA STORES LINE 守道不如守官識者譏其不知道亦不識官道理分明 溥近日户部却日真定知府王光言語不遜却去如此 孫九峯在位决不如此其曰知府王光徒知愛民而不 朝廷命脉天下至公的事不是可任血氣占衙門的使 在目前不知人臨局便迷告孝廟何等七聖分明無好 至于此坐使朝廷失信於天下可痛可惟昔柳子厚云 分說縱分說直不過作箇朝廷聚斂之臣不知此事關 知爱國民是何物國又是何物讀書不知本原其弊逐 少谷某

惜夫聖賢之學久不明在位諸君子元無此本色安有 節便去道遠况自足子 氣節自足者氣節于道不滿一肢一指若稍有心在氣 有舉變便成唐虞之治下有伊傅 問名便成三代之治 動分四月全書 此實用今看眼前起廢諸君平生挟一段氣節少不以 臣子共成其德業今主上雖沖年何等剛明神聖使下 固是氣質十分純粹若非涵養真到豈得不衰城今人 明道終日端坐如泥塑人對人言便見一團春風和氣

次足四軍全書 四 是道更不去學問不痛不癢能得幾時不衰颯又有明 儘察得静定多者不曾學問安有一段春風和氣出来 范純夫嘗謂陳了翁云顏子之不遇不貳惟伯淳有之 自暴二科最是學者大病其恨無此氣質百般鞭策不 此等氣質却實難得今人有此等氣質却有二病以我 能到得静定田地不敢怨天直是人事未至耳 知學問頭路志氣昏情等閒遇了一生何等可惜自足 不為不善凡浮淺輕譟恌巧暴克之類我性無有此便 少谷集

鄭莊公克叔段召成公以為封京之後伐郡之前其處 **者嘗操尚友之心豈患不到好田地** 了翁問曰伯淳誰也范黙然久之曰不知有程伯淳即 莊公封許叔曰寡人有弟不能和協而使關其口於四 了翁謝曰生長東南實未知也自是深以寡陋自愧學 莊之十六年鄭公父定叔出奔衛三年而復之曰不可 方况能久有許乎其為此言是莊公欲以數天下也魯 心積處未當須史忘叔段得之矣又日魯隱之十一年

一つこう シュー 身而不悔况國乎莊公非聖賢能免克段之險哉惻隐 愛弟之心實以姜氏意立段故至此今人争小利至我 必欲不發此言必絕其後而後謂之不欺乎文法太深 段之不絕于鄭莊公之改過還善不可誣也召公之意 復封許叔實充其友爱之良心遂使許之宗廟得血食 使共叔無後于鄭段之有後于鄭是莊公欲以欺后世 之心未很一間考叔之言遂為子母如初其後入許而 也噫是何言數聖人大改過許遷善莊公亦人矣豈無 少谷集 占

黨錮然因是遂大顯名於天下方伯固諫章在手余與 中伯固六事却剴切直欲誅彬遂至延褐諸君子幾成 有過者無路矣按定叔出奔衛魯莊公午已久東萊 銀定四庫全書 南巡吾輩多有本舒國裳二本汪汝碼一本汝碼本甚 其年與事為誤甚矣加以欺後世之罪不改 諸君子有大臣率係屬之謀余語以故伯固輒出與堂 正直辭甚宛轉得告君之體然俱以不介名權好遂留 ||議當時使王司馬不出惡聲陸水村不避利害則國

應南洲兄天資合下純粹未嘗破碎一些加以學力自 也 觀感處甚多相隔數千里每得一書自使人沒齒不忘 是大過人平日用功却是真實懇到門路甚正余得之 自少便知棄舉子業一味要作聖賢功夫唯見石龍 源却是不真實用功之過日月如流可勝騰矍 余病年来目加昏鬚髮已種種精神大覺减損完其病 とこりを こう q 少な集 t

事大好矣豈有後来許多梦錯可痛可恨可痛可恨

一金元四月全書 **象山說孟子進鋭只如釋氏直起上無說話學問湏是** 业 勿正勿忘勿助俟其自化又云學者不可用心太緊深 便比面稱弟子可知服善之心又何異横渠之于二程 子云進銳本是有意必在遇用其氣力氣衰則退孔子 山有寶無心於寳者得之顧是此意却不似進銳語孟 人只此便非吾輩所及始與王陽明為友見其髙明 子通論道遺

象山云道遍滿天下無些少空缺四端萬善皆天之所 紂君也武王為救民則曰紂為獨夫夷齊扣馬不食問 予不勞人粧點但人自有病與他間陽重一些便是病 上古之世荡荡平平猶魚相总於江湖也魚不為争水 而起貪嗔不為思水而有爱欲不為無水而生煩惱泉 十五志學三十始立却是無意必在 とこり日から 涸魚相處于陸而始相照以沫此情欲之所起也 一些便亦是病却說得源頭分晚 少谷集

審 **象山云明徳是十五入大學標的格致是下手處博學** 敬也臨深履薄大何憂何懼 時則難也孟子養氣則無怒無懼孔子云臨事而懼即 BP 叔子云克已可以治怒明理可以治懼似太分折克已 仁者見之謂仁智者見之謂智殊途同歸百慮一致也 問慎思明辨是格物之方讀書親師友是學思在己 明理治怒即治懼其功一也此在養之于素若當其 則口臣無伐君之理聖人兩是之武王夷齊正所

銀分四月月十

F

在此 問辨在人方册所載亦有純疵若不能擇是為沒觀師 又已日日本日 T 友之言亦有當否若不能擇是為泛從此段議論甚當 物無有二理須要到其至一處朱陸格物之論異處正 為學須如餓求食渴求飲决無他不得所謂如怒惡臭 工夫間斷如蹟燧之火隨出隨滅故曰道不可須史 又云學固貴子博然知盡天下事只是此理天下事事物 少な集

拔其根旋復植於故處雖不停時生意斬矣 萬木起自萌芽日生夜長至成合抱以其不息也若 學問不精進譬如種樹不培其根能得幾時鮮好年光 極中時病好事即是好名才好名便打點着巧言今色 **象山云今之學者大抵是好事未必有切已之志此語** 如建筑之水一落水不收矣 如好好色之真一得永得也 金分四月月 又云學者不長進只是好勝出一言做一事便道全是

學道者 伯子云聖人千言萬語只是欲人次已放心使反入身 象山作貴溪學記云不拘流俗而正學以言者豈皆有 欠~日日日 Ainsin 国 来象山云收此心照物便是格物孟子所謂學問之道 七藝亦不進最可戒當時學文者 司之所棄天命之所遺最可以警當今之學時文者 又云主于道則欲消而藝亦可進主于藝則欲熾而道 豈有此理古人惟貴知過則改見善則遷最可戒當時 少谷集

片話 金分旦尼白書 又云窮理盡性至命三事一時並了與次放心原是 無他求其故心已矣不格物何以知此心是故的伯子 上走却無了異倫典禮故以名敖為業識不知名教皆 二家之真空亦是聖人之無我但彼委順處雖在人事

業識中矣

天所賦底實理問江郎學道作意欲避名数恐反墜在

象山云君子喻于義小人喻于利人之所喻由于所習

象山云朱元晦泰山喬嶽可惜學不見道枉費精神遂 問象山與晦翁論辨尚有此氣象在 叔子云學問驕人害亦不細若說學問可驕人是甚學 价智由其所志甚中學者之病義利之說一明君子小 而自謂能知論得切當 又云學者大率有四病一雖知學而恣情縱欲不肯為 畏其事大且難而不為一求而不得其路一未知路 相去一間

九三日早日十二

少谷集

金好四月月 自擔閱看来朱子即是逐事求道亦至力到功深地位 此 發揚愈見得牢固誅責舊罪却是改過頭路發揚新得 但不得聖人一言點化之耳晚年學問顧自渾融了 語云陰德如耳鳴只是已自知孟子所謂集義却是如 氣象去伯子甚遠守中亦長有此病他日當以此告之 恐又落在伐善巢底伐善最害事象山一生坐此故其 又云舊罪不妨誅責誅責愈見得不好新得不妨發揚

交和順于道德而理于義窮理盡性以至于命這方是 象山見道甚分明然氣質終是箇有我的人其論説多 文文不到這裏說甚文却是他日對門人又云須讀漢 物物相雜曰文聖人作易如何生著如何生卦如何生 **欲上人如梭山云文所以明道辭達足矣本夫子辭達** 聖人之于民設為禮樂刑政便有去偏使正去敬使明 而已矣象山即正色而言曰道有變動曰爻爻有等曰 底意思在

大足四車至

少谷集

金のセルノルノッツマ 史韓柳歐蘇尹師魯李淇水文不誤後生又云作文湏 量大一悔便轉可惜不久即去世平日許多錯處皆不 陽明云文公晚年知向時定本之誤是其不可及處力 中人以上可以語上也不待諄諄然命之也默然而其 文義還是未曾轉頭一般 **鍛煉又云作文如何左傳深于韓柳未易入且讀蘇文** 及改正愚意不改正正是文公轉頭處若又去改許多 可也原說得如許大歸結来又是這箇

次至四車至書 ~ 遠伯王行年五十而知四十九年之非知非便要求出 意已傳莊子云二人相遇于道而莫逆于心也 走過京師自能言得京師路上風景真切若影響言之 大無小無髙無下無遠無近故聖人學問德愈盛心愈 自然不凑接 聖人每每教人行戒人言行過了自然言之有味如, 凡人識髙明者多忽畧着近小處只是心粗心細則無 少谷集

金グロル 魚总于江湖也 自知便自積累得過多遂有頻復迷惑之病何時能出 頭處若全靠着知非亦反為害若曰我不妨有過我能 **者見之不満一簑** 黄金至寶入眼為害人但見得惡之為已害而不知善 頸 之亦足為已害也見小善矜小能何足以入道入道者 人學問原頭一差了隨其所得分量向人誇誕不知達 A. I. I.

次世日軍上野 TT 獲究竟来俱欲其成就一箇仁得魚則棄至矣 之強司馬牛多言便告以韧與遲計利便告以先難後 但看聖人教人何曾着一路說季路好勇便告以君子 之遙國都也人氣質自是不同故入道自有遠近難易 定一方大路欲四方之人皆由此方進却是執一也亦 不可立此四方大路欲一方之人遍由此各方而後謂 便而至人情所通行處便是大路便是執中但不可執 人道猶適國都譬如國都在金陵四方之人各以其所 少私集 千三

其好處都說倒了如此豈是真實用功若去真實用功 象山附象山者亦吹毛求疵去摘晦翁之短便并及 恐自不如此朱陸未便到聖人田地安能一一皆是象 今世之言道者以是好事附晦獨者却吹毛求疵去排 昔人求道如探重雙令人雖抱璧與之彼尚以為燕石 沒他不得各輩只欲求至當是依是的合還他是非的 晚而不取心 山分明有空疎處晦翁有精義之過處若其好處自冺 たる言

朱陸 朱陸	大小可臣 人种 一下	Section 1		云乃所願則學孔子豈必朱陸	合還他非若大道理上偏
	少谷集			孔子豈必朱陸	合還他非若大道理上偏了雖伯夷伊尹柳下惠孟子

少谷集卷二十二				金分四月全書
				卷二十二

鄭子少谷繼之氏諱善夫世居南湖閩邑大鄉聚代多 尺孔日日 人 顯者皆其族產獨鄭子結卷就賢助訟今學賢者殊振 欽定四庫全書 志傳類 少谷集卷二十三 附録上 明南京吏部驗封司郎中鄭少谷先生墓碑 少谷集 林

絕也當誦曰墜道非時也萎儒與世靡視古太峻脆志 每好四月至書 乙丑歲年二十一第進士正德改元纂修蘇松常鎮實 以降其越吾固疾學之不變果懇學十年反之古孝廟 俟天下之清交與鮮絕嚴居六載正徳十三年有司勸 中官鄭子善卦時數曰大丈夫當龍風於世退見無號 關議闌不敗名商人利之稱其能廢私也武皇初赫柄 枉我志力告得請乃築少谷草堂於金鰲峰作遲清亭 録成隨繼居內外艱積六年起銓户部主事出理滸市

次足四軍全書 到 得明年鱿至京師之館馬談畫時事曰天子何可為計 闕下死者貶者落籍于民者有差既南将鄭子切告未 斥嬖臣江彬及中官輦濁亂天下也怒犯之武皇杖之 齊謀諸奈家曰為未發諫之可絕否吾股肱何勸吏兵 署員外郎三載考績推恩父母如其官居禮部握蘭建 禮宗伯咸賢其文學能秩相也是年三月武皇將南於 刑諸曹郎中黄鞏等若干人同伏跪于闕門疏惻切拾 駕起奪其疾改禮部祠祭清吏司主事十四年轉本司 少な集

靖改元以都御史周季鳳御史汪珊薦起為南京刑部 哉古云曙戒勿怠後释逢殃吾胡可弗歸遂歸過浙 弗密以病病且依依不休其游至弗支殭與病歸歸 郎中尋轉吏部驗封司至建健眷武夷游值風雪膚理 住突吾思耳益誇嚴云江南北山水畢受吾杖優之嘉 往住山水游或憫其贏告之癖曰吾少谷静中不留求 山水至逾八月旋閩居湖上歲多病必滿時月間已 人孫一元太初死走道場山中哭之敦治丧事畢游越

欠こり日子丁 財利者世不學皆能古嗜之俗殉痼厚倜然曰居官必 多得財故有道者雖親且惑况鄉人夫梅梅仁義何以 臘晦前二日周身與棺殼與汝舟治也後發笥皆宴宴 鄉人始駭發鄭子之貧士知賢鄭子能有道其官嗟夫 二弟經理其寄延平遺書皆如云乃陪手足以遊嚴於未 少休少谷可以存神明晚與缺力手書授高數傅汝舟 二子曰修身俟死吾今更復奚憾詩文妻子付託高傅 日不禄及歸已彌留人意所豐藏鄭子云請諸君勞苦 少谷集

鄭子婚嫁七弟妹貲業皆其推與儒者瞻之田今以完 婆節葬母屬二十二人其治身嚴厚冲澹高潔求象其 破愚利固善昏世禽鹿視肉如鄭子者能居道也夫觀 道于家國誰昔曰任重者身也途畏者口也致遠者道 弗長世没時年三十九孟可哀夫葬事織悉皆福州太 沛譽衆固稱少谷先王云訃傳至者咸哀涕蓋憫賢者 忠信則交慶其言古乎鄭子蹈言今徵見之實完固 以 也邪行亡平體違言不存口道可要諸遠矣寡交多親

金好四月全書

卷二十三

遺言有二子求不累其托鄭子生成化乙已歲十一月 念口碑可世無以章顯賢者云遷前室安人來氏合隊 NANDIAL LILLY 論日鄭子博學而能反之者也吾觀少谷子道論子通 二十日也 守汪文盛少守陳鑭二先生功德也二先生鄭子至友 經世要該您哉言乎大古鬱然可觀其概之正而已探 可與起矣墓在懷安西郊外梅亭山山旁諸達汪先生 孤鳴梧少保孤恤七鄭子知德於幽冥創見友道叔世 少谷集

金定四月全書 龍風從虎信夫短長名位君子何可論之嘉靖三年甲 **膠漆孔子云斯馬取斯易口同明相照同類相求雲從** 游者盡海内名士其志念深常有以自下故皆以道相 其要本忠信成節則非編言觀交際編及余居京師與 遇師友學凡五變而始志于道就其所履考之謂今之 少谷子者閩人也姓鄭氏諱善夫字繼之少負才名不 申十一月二十八日友人汪文盛陳鑭立石 少谷子傳 卷二十三 黄 綰

從事之又自惟曰功業足盡此生乎遂慕堯舜以来至 漢以来至于盛宗將相名公鴻勒盛烈之可無休者而 生乎遂慕東漢以来至于南宋高人逸士孤風遠韻之 蒙杰非耶蓋少谷初業舉子欲從今世成功名乃自排 杜諸人之作研求步驟既得之又自惟曰文詞及盡此 于孔孟修已經世之可象立者而尚友之日道在是矣 可激者而追蹤之又自悱曰風節足盡此生乎遂慕西 口舉業足盡此生乎逐刻意為詩文將追先秦莊屈唐

尺三日日日十二日

少谷集

隐故山求其志少谷子為户部主事督税吳江之滸墅 杜與少谷坐刺談免舜以来所傳之道六經百家禮樂 時天晦大雪決自不止人蹤盡滅予畫伐松枝夜烧榾 予過而遇之握手與予語竟日而别别猶眷戀曰吾亦 岳將沒身於是乎昔歲去申子官後軍知未足于道將 歸六載歲丁丑而少谷子果来遂與坐凌峰步石梁倚 自此逐矣子不為我棄其將訪予于天台雁為問乎予 天柱面龍冰俊則歸紫霄即予所居謂之石龍書院者

金分口戶有電

W.

欠と日本と書 一 之堂以延之少谷時以疾起將趨朝子乃與南洲子送 數月而出至台城台守金陵顧公欲重勝會乃作王輝 芝谷主人因為少谷子亭以居之南洲應子亦来會凡 貽書其友孫太初寫宗吕傅木虚使之遜志而同歸故 太初之逃老歸儒皆少谷改之也少谷子又自謂生平 間無一不完少谷子亦盡出其平日所著述以質予又 刑政天文地理之源流及二氏之所同異極于天地之 知已莫子若者但恨相遇之晚遂总形而不忍去予兄 少谷某

金グマルという 怒杖之闕下或死或竄或削籍為民者而少谷子瀕于 敢議者少谷子特為疏論其非禮並指斥權好之所以 獲有此行行當不遠再訪子于茲山以共老馬少谷入 自稱威武大將軍鎮國公欲幸泰山遂從南狩廷臣莫 朝為禮部主事性員外郎三載芳績推封厥父母武皇 之渡錢塘而還少谷子又與予期曰吾為父母贈與未 死者亦幾矣既而告歸果再来山中又同入雁蕩登天 逢迎及巡游意外之虞詞極剴切率犀僚共上之武皇

日所關又非尋常百執事如先生者宜直處之以論思 責成唐虞之治今日四方徵召多是林邱冲養君子今 之地勿泥常格更得一二元臣鼓動其間使舉朝皆相 無玩好一味恭黙誠堯舜之資也今所急者知學之臣 以講明古帝王執中之傳使聖徳日新月盛然後可以 子先後各被薦召少谷子又貽書于子曰今上冲年百 各旬月而去既而武皇晏駕今上入繼大統子與少谷 台即龍湫華頂之間糧絕看盡則扱山花乞僧糜以食

とこうしているう

少谷集

携家過越聞少谷子陞南京刑部即中未幾改吏部郎 信附使有道君子得行其志積之歲年不患先王至治 不見于今日也既而聞朱御史白浦之卒則為詩哭之 閱陰洞不知其般且襲寒醫誤用樂遂病草速與歸家 中有書期將至越訪陽明先生先生聞之喜留予候之 白浦常薦子故其卒而云云予出陞南京都察院分司 曰柱下朱郎成水别江東黃尉竟何求黃尉指予也以 月餘不至而少谷子計至計者少谷出經武夷陟絕獻

動穴四月生書

卷二十二

マハコロは とはず 際未曾或與又每有千里命駕而不失雜泰約之風其 粗碼耐煩勞馳風塵其取與可以謝萬鐘而不顧揮千 文盛為之也少谷子器度温厚而剛果超邁而淵客清 貌瀟灑清曠碧鬚蓮目若神仙中人至其自勵實足如 介不為激亢貞信不為該執皆天資之近道者也視其 至家二日而卒卒年三十有几乃歲癸未臘月晦前三 金而若芥其與人交小而語諾之間大而死生患難之 日也發其藏蕭然無所有飲而塟之者皆福州守汪君 少谷集

多定四月全書 其田瞻族母及姑妹之孀居者又举母黨之不能整者 鑿鑿有見足發古人之秘誠可謂超絕古往出夫風氣 處家弟妹七人少孤撫之成人而竭力為之婚嫁又以 而不可以一世一方之士目之若夫天假以年充之學 **疆猾之罪以惠于良善禮部則每執典秩以贊于其長** 問於其中庸之繇禮樂之文進于聖門誠有可觀者矣 如論歷元歲差之未定日月薄蝕南北分抄之難齊旨 二十二棺其居官滸墅則寬商船之稅而不虧國賦治 **M** 卷二十三

大已以中 台 賢所以濟非常之業立萬世之極者固其天資之絕入 少谷集者人以鄭詩鄭文稱之刻行于世又有子通論 惜其壽不永齡未見其止而止于斯已也所若詩文有 亦其有志而又有師友之成學問之功有以致之然則 道經世要該者則録而未行配東氏子男一曰鳴梧女 以予與少谷子相知最深請為傳乃述而論曰古之聖 天資也立志也師友也學問也於人可缺一哉如馬遷 四長遼陳次適進士林應亮次林出次庶出俱幼應亮 少谷集

金分巴尼台雪 賈誼陶潛杜甫李白韓愈柳宗元歐陽修蘇軾皆天資 **跎于世五變始有所間而又遽止于斯其為斯道斯世** 問之功故其所成僅止于事功風節詞章而已又如慧 絕人惜皆無志於道又皆不遇師友之真講明聖賢學 運氣數之使然乎今少谷子天資之美而又有其志蹉 所不及所以斯道之未大光至治之未大明也豈非世 不進時厭世溷濁而逃于釋光他有志者又皆天資有 可恵能馬道一召嚴張平叔白長唐亦皆天資絕人生

墮于懷 在之遂有身先生幼負奇質髻椎隷學官則已 **吹起四車全書** 夢陽信陽何景明吳徐禎卿及吾閩鄭善夫先生最著 先生字繼之别號少谷山人自其初生太夫人夢日 明文章至弘治而一變於是作者百數十家而北地李 之既之憾又何如也噫 年為弘治乙丑遂成進士而何景明寔直中書相得懼 厭薄一切經生言學為古文詞有聲矣二十舉于鄉明 鄭繼之先生傳 少谷集 鄧原缶

貴人方用事亂朝政先生鬱鬱不自得竟移病滿三月 節而交先生文酒過從靡間也毅皇帝初先生猶在選 · 琳三衢方豪東平殷雲雪皆一時知名士後先至成折 甚益切劘為古文詞已亳州薛蕙黄州王廷陳吳郡顧 以見志交與鮮絕守令干旄往候顏色先生以一重子 廣西司主事出權滸墅關譏闌有法著為潔令是時中 上書請告歸歸則築少谷草堂於養峰頹其亭曰遲清 人餐偷蘇松常鎮實録成隨丁內外艱積六年授户部

次定四車全書 當先生罰跪時猶草疏數千言納懷中言所以不當出 中貴人相左右為奸諸曹郎黄章等以諫止南巡語侵 彬彬大恨矯古杖闕下有死者先生不勝憤挟舒芬張 皇帝之末年儲位久虚逆藩素蓄異謀嬖人江彬及諸 行慶復上疏切諫彬益怒罰跪午門已杖三十幸不死 病良已起補禮部初祭司主事守員外郎滿三載考贈 支剥啄終無所造請諸公愈益賢之正德十三年先生 父母如其官當奏改歷元事宜語甚核詳經濟録中毅 少谷集

狀謂方豪曰死則上之無何而偶發先生說曰已矣無! 歸山人孫一元故與先生契分不薄先生歸一元且死 則間道之若溪哭之為經紀其丧浙東饒佳山水洞天 **价容吾言矣彼地下者其以余牖下非夫哉遂再請告** 竟月無何歸閩有終馬之志先生故居南湖去郡城上 方守天台間之日此必吾繼之也 亟使人邀之為盤桓 受杖獲者當雪中遊天台褐衣筍與吟趣甚適時顧璘 石室多仙靈壑宅如禹穴天姓蘭亭雁為之屬慮無不

次至四車全書 蓋先生容天台當語華玉明年海上紫氣東來是各觀 改吏部行至建寧遊武夷山大風雪為寒所中竟遊歸 飲至醉也嘉靖改元先生用薦起為南京刑部即中尋 舟高凝二山人日態吸其中而守君汪文盛者時時屏 騶從從之先生為具算器食濁醪數斗佐以祀菊汪轟 五里而遥地稍勝先生與一二曹偶如林武侍御傅汝 病逐流抵家二日而殁年三十九耳病急猶手書鄭重 以遗文託島傅二子而後腹目死之日紫氣勃勃不散 少谷集

陵絕句翩翩有青蓮之致書法九入神真行斟酌聖教 老大抵出入諸子而本之六經其詩以氣格為主以悲 花草叢孫惟石得象外趣然絕不名其業以此人亦鮮 狂草奔放縱橫爛熳顛素而下弗論也問又創意點染 化至矣人以其語驗云先生為文章此筆立成渾雄養 從湛氏得其緒而力行之功取專請非獨立門户而已 壯為宗古詩樂府沿漢魏下及六朝歌行近體抵掌少 知者當一晤王文成於毘陵慨然有味乎性命之學則

定其詩文若干卷行于世而子通經世要談較不傳鄧 ·竹於子錢家其厚如此汪守君既整先生於梅亭已編 **羔雁筐龍無不自其手指出者葵母屬二十餘丧皆假** 者 葡陽林俊司空林雅推 較之謂有大臣之器厄於年 哲每郡邑有大政先生軓為决策務中機宜其所莊事 而不得售惜也林武义言先生篇於內行婚嫁七弟妹 於殿最乎居恒取國家掌故講其廢置所繇及利害甚 先生每言經生局迹嘽緩其衣多文辭而鮮實效何益

人子日本小山

少谷集

金月四月月 **憲道茂許親先生像髯而都若神仙云其集今盛行世** 有知者或乃謂時非天寶位靡拾遺以無疾呻吟為先 原岳曰余小子與鄭先生不相及而於先生外孫林學 生病夫明正德於唐天寶安取低昂哉而欲呻吟者之 鄭善夫字繼之閩縣人弘治十八年進士善夫弱冠登 幾實録云 必賡歌也惟王元美辞其詩如黄河水凌得杜之骨庭 福州府志文苑傳 林 嬚

欠已日華 公村 詩得之日稍久或指以問武武亦不識也武為御史順 舟字木虚其詩大抵與善大相類針不長於文好用奇 字令人不識為工然針所用字非素習也第臨文簡古 李夢陽摹擬少陵然猶丐膏馥自出已意為之至善夫 終南吏部即其同時有林武傅汝舟林武字克相傳汝 并襲其意時非天寳地靡拾遺殆無病呻吟云善大官 近體與致清遠議者或謂得杜之骨又謂正德問關中 第與洛中何景明同年相切劇善屬文龙長于詩七言 少谷集

為鄉論所訾汝舟晚好神仙之說數出遊諸名山往往 表云纸舉進士官至御史詢州判罷歸汝舟終布衣 與海内名流接汝舟性恬静耻干求士大夫成以為塵 鄭善大字繼之閱縣人弘治山丑進士弱兒登第授户 金万巴月月 部武宗末年嬖人江彬導上南巡杖諫官黄對等下獄 部主事時逆瑾亂朝政善夫以病告歸居六年起補禮 矣好何景明弘治十五年進士非善夫同年林文恪誤 福州府志風縣傳 林

|云善夫死汪文盛方守閩為營墓行其集于世 薦起南京吏部郎經武夷窮歷諸峰為寒所中抵家而 **车年三十九善夫工詩以氣格為主憂憤時事往往發** 善夫罰跪時猶草疏匿懷中謂即中方豪曰死則上之 之篇章評者以為得杜之骨與李夢陽何景明相伯仲 遍遊名山築室南湖顏其堂運清以見志嘉靖改元用 無何駕發善夫哭曰已矣無所容吾言矣隨再請告歸 善夫上疏切諫上怒罰跪午門五日杖三十幸不死當

敏定匹庫全書 鄭善夫字繼之閱縣人善夫髻推隷學官則已厭薄經 陽何景明時直中書得善夫甚惟益相切劇為千秋業 生言學為古文辭有聲矣弱冠舉弘治乙丑進士而信 益怒罰跪午門已杖三十幸不死善夫猶草疏數千言 闕下有死者善夫乃率舒芬張行慶復上疏切諫彬愈 郎黄翠等以諫止南巡語侵嬖人江彬彬大恨矯古杖 時名士咸折節而交善夫靡問也毅皇帝末年諸曹 東越文苑傳 灰 陳鳴鶴

是天台人以善夫果神仙不該善夫為文章渾雄於光 |善夫因謂璘曰明年海上紫雲東來是吾觀化至矣至 遂乞歸居郡之南湖嘉靖改元用薦起南京吏部即行 フ・ファンシュー 為神仙天台守顧璘間之曰此必吾繼之也就之良是 納懷中謂三衢方豪曰死則上之無何而駕發善大哭 至建寧游於武夷為寒竹中抵家而卒年三十九卒之 曰已矣無所容吾言矣彼地下者其以余牖下非夫哉 日紫氣勃勃不散先是善夫衣褐走雪中游天台人以

|動定匹庫全書 者世蓋推徐何李鄭云善夫每言經生局迹嘽緩其衣 多文辭而鮮實效何益於殿最故其居恒取國家掌故 講其廢置所縣及利害甚哲又談性命之學而力行之 鄭繼之詩如水稜石骨質勁不華又如天寶父先該喪 所者鄭詩鄭文行於世而子通及經世要該較不傳經 而本之六經其詩以氣格為主而多悲壯之聲國朝 通調軟不傳誤矣世要談刻在性理會 藝苑巵言 王世貞

亂事皆實際時時感慨 貌華州王維禎得杜一支閩州鄭善夫得杜骨然就其 邊庭實之開麗鄭繼之之雄健王子衛之宏大孫太初 皆其次也 之奇拔顧華王之和適李廣之之通與馬仲房之華整 國初習杜者九數家華容孫宜得杜向東郡謝榛得杜 也高叔嗣空谷之幽蘭崇庭之鼎奏也高季迎之流暢 昌穀之於詩也黄鵠之於爲瓊瑶之於石松桂之於木 て こうらし こえい 少谷集

敏定四月全書 鄭郎中善夫初不識王儀封廷相作漫與十首中有云 所得亦近似耳惟夢陽具體而微 皆稱能詩號閩南十才子然出楊徐下遠甚無論季迎 爱名也如此 為位而哭走使千里致真為經其丧仍刻其遺文人之 海内談詩王子銜春風坐遍魯諸生後鄭卒王始知之 閩人家能化畢而不甚工詩國初林鴻高廷禮唐泰華 藝圃梅餘 王世懋

欠已日本公的 善夫云時非天寶地靡拾遺殆無病而呻吟云至以林 善夫詩即瑕當為掩善夫雖無奇節不至作文人無行 林公予早年知已獨此一段不敢傳會非特為善大亦 殆非實録也友人陳王叔謂數語却中善夫之病余謂 武傅汝舟相伯仲又云武與善夫頗為鄉論所警過矣 雖多模杜猶是邊徐薛王之亞林尚書貞恒修福志志 其後氣骨稜稜差堪旗鼓中原者僅一鄭善夫耳其詩 以入詩品則為雅談入傳記則傷厚道王叔大以為然 少谷集

當弘正時李何王號海內三才外如崔仲是康德涵王 為七閩文人吐氣也 昌穀繼之華玉升之士選革不能三之一嘉隆則惟李 金分口片台雪 子衙辞君米高子業邊庭實孫太初皆北人也南中惟 下十数家亦再倍於钍矣 ·鱗謝茂秦張助父北人而南自王汪外吳徐宗梁不 言及善夫也王敬按林文恪福州志 詩藪 美誤矣 卷二十二 胡應麟

學為古人尤長於詩義不能於風人浩然仰順縱遊名 實視諸人差為語合 鄭善夫関縣人性疏豐無留伏為吏部即曠志辭榮博 人民日子 三丁 山川其意味味如也正德末以養疴終其身 王繼之升之士選輩或調正格卑或格島調解獨邊廷 余 細閱當時諸家若仲息德涵敬夫子衙詩皆非長華 國琛集 少谷集 九 樞

金分四月在書 默鄭繼之徐昌穀華獻吉雄豪壯麗如長江巨浸滔滔 關蘇出周郊誠布世之瑞也繼之沈鬱之思慷慨之詞 千里雖有枯樣敗筏無妨飄荡又如龍翔虎變駭人耳 獨步又如唐玄宗霓裳羽衣於月下嫋爾仙樂此四子 馆終不失為識時務之俊傑馬徐昌穀淵致秀語天然 如蒼松挺秀古梅含芬又如賈生之獻治安雖過於感 目仲默雅麗新奇如洛園一開姚魏掩映又如鳳儀部 弘正之間豪傑桑征百餘人焉其最著者孝獻吉何仲 . 卷二 +

欠己日本自己 鄭善夫字繼之福州人仕至南京驗封郎中氣秀嚴谷 有紫氣東来是吾觀化至矣赴官留省道中奄殂吁亦 都总内顧養疴自遠逡巡即曹樂負萬標殆輕人爵時 有逍遥遠舉之意好遊名山當入武夷雁蕩峻陟冥搜 情發聲詩雖才韻弗充而古色精言高映霞表飄飄然 與衛州方豪同好意泊如矣當與友人期曰明年海上 **者撰述備实** 詞林人物芳 少谷集 王兆雲

髙潔傳汝舟鄭公寅施世亨李銓李江先伯父户部文 鄭善夫字繼之閩縣人弘治初弱冠第進士海内詞 毛麟角視之矣 晦先旗雲山人文旭倡和追隨閩人復稱才子王世貞 相與頡頏仕為户部尚書郎屬請告家居與郡人林武 惟也哉所者有鄭詩鄭文行于世雖卷帙無幾人成鳳 金がんせったんとう 辞鄭詩以為得杜之骨林宗伯爊撰 郡志列文苑謂時 風雅叢談 王應山

一人已日奉 在一 為憶藏舟聲同板挂砌枝草青侵曲徑苔緑上穹碑日 事山先考借諸彦過之詩云騎箕人已遠舊俗總堪悲 靖更化起南吏部即中道病卒年未四十汪守藝之梅 定黄河一縷分日排瀛海浪天入薊門雲魯道傷吾志 為叔論解嘲亦一快也鄭詩登泰山日觀峰東嶽乾坤 各若干卷汪守文盛刻之郡齊遍鄧學憲原岳重梓之 秦碑自夕曛未堪疏遠目萬里正祲氛時事可知也嘉 非天寶位匪拾遺殆無病而呻吟者大不然哉鄭文詩 少谷集

金分でたる 幕空山裏 接然共賦詩 曾記少谷作此卷謂髙子吾字雖未通神已是超凡 聖矣今觀信然其最後章缺人字高子強余足之筆力 張詩曰嗟嗟傷哉余安重視我少谷子之詩翰乎少谷 相去甚遠於乎少谷死幾十年矣余學不加進於一 之小尚不能及况敢望其他即撫卷憶然 少谷遺音卷跋 傅汝舟 張 詩 節

一次是四軍全書 一 甚少谷亦甚自得也少谷員大才薄宦達而號山林其 哉乃揮涕掩卷以歸髙子 子為人忠誠仁智俊極文辭交遊徧海內諸賢而比能 末篇缺數字余諦觀之其神妙變化較之平時之作遠 嗚呼此少谷絕筆也少谷臨殁之時書數紙付髙子其 於 少谷子殊鮮然卒之年不及四十者予嘗聞天專仁 人而天脆薄劣獨少谷子不壽何哉獨少谷子不壽何 少谷集 馬明衡

静中充養完粹故其晚年所進如此藏之者與觀之者 母徒以其藝之工而已也 金グロルとい 少谷集卷二十三